



UNIVERSITETI "ISMAIL QEMALI" VLORË

Nr. Prot. 1408 Vlorë, 14.05 2025



FONDACIONI "ALTERNATIVA E SË ARDHMES" ALSAR

Nr. Prot. 151 Vlorë, 14/05 2025

MARRËVESHJE BASHKËPUNIMI

NDËRMJET:

UNIVERSITETIT "ISMAIL QEMALI" VLORË

&

FONDACIONI "ALTERNATIVA E SË ARDHMES" ALSAR

Universiteti "Ismail Qemali" Vlorë, si institucion publik me statusin "Person Juridik Publik" përfaqësuar nga Prof. Dr. Aurela Saliaj në cilësinë e Rektores si përfaqësuese ligjore për çështjet akademike dhe protokollare dhe autoriteti më i lartë akademik,

&

Fondacioni "Alternativa e së Ardhmes" ALSAR (këtej e tutje Fondacioni) **përfaqësuar nga z. Mehdi Gurra, në cilësinë e kryetarit.** regjistruar në Gjykatën e Tiranës, dhe me NIPT L71421451S, përfaqësuar nga Kryetari, z. Mehdi Gurra, me adresë: Rruga "Bogdanëve", Pallati Eurocol, Kati I.

Duke synuar zhvillimin e bashkëpunimit dhe partneritetit dypalësh në lidhje me njohjen, përmirësimin e cilësisë së profesionistëve të ardhshëm të sistemit shëndetësor dhe zhvillimin profesional, nëpërmjet trajnimeve, veprimtarive njohëse, parandalimit, edukimit, promovimit, trajtimit, reabilitimit dhe kujdesit terminal, me qëllimin kryesor përmirësimin e performancës profesionale.

, palët bien dakort të lidhin këtë Marrëveshje Bashkëpunimi (më poshtë “Marrëveshja”)

Neni 1 **Qëllimi i marrëveshjes**

Qëllimi i kësaj Marrëveshje Bashkëpunimi është përkushtimi në shërbim të studentëve në Shqipëri dhe në të gjitha vendet ku do të ketë bashkëpunim, duke synuar ruajtjen dhe promovimin e vlerave të trashëgimisë sonë kulturore kombëtare, duke ndërgjegjësuar publikun për potencialet që ajo mbart.

Neni 2 **Baza ligjore**

Kjo Marrëveshje bazohet në Ligjin Nr. 80/2015 “Për Arsimin e Lartë në Republikën e Shqipërisë”, neni 3, pika 4, gërma c), dhe Ligjin 8788, date 07.05.2001 për “Organizatat jo fitimprurëse” (i ndryshuar)

Neni 3 **Parimet dhe vlerat e bashkëpunimit**

1. Kjo marrëveshje synon sigurimin e bashkëpunimit midis dy institucioneve nënshkruese lidhur me:
 - Planifikimin e organizimin e veprimtarive të përbashkëta në rritjen dhe përmirësimin e efikasitetit të veprimtarisë dhe shërbimeve në fushat e arsimit, kulturës.
 - Planifikimin e organizimin e veprimtarive të përbashkëta në lidhje me projekte të përbashkëta.
2. Dy institucionet angazhohen të punojnë së bashku në përputhje me kërkesat ligjore dhe frymën e mirëkuptimit, për të realizuar interesat reciproke që synon kjo marrëveshje

Neni 4 **Mënyra e Bashkëpunimit**

Palët angazhohen për të bashkëpunuar ngushtësisht për çështjet me interes të përbashkët, me qëllim arritjen e objektivave:

- a. Të përcaktojnë projekte bashkëpunuese në interes për të dyja palët.
- b. Organizimin e aktiviteteve të përbashkëta.
- c. Të ndajnë njohuritë dhe të dhënat studimore në interesin reciprok të palëve në përputhje me procedurat dhe politikat e secilës palë.
- d. Të mbajnë komunikim efektiv ndërmjet tyre për të realizuar projekte, trajnime, workshope, konferenca me interes për të dyja palët.

Neni 5
Angazhimet e palëve

“Fondacioni” angazhohet të marrë përsipër për të kontribuar në drejtim të:

1. Pasurimit të bibliotekave të Universitetit me literaturë dhe me shërbime të tjera në fushën e kulturës dhe arsimit.
2. Organizimit të veprimtarive të përbashkëta kulturore: konferencave, seminareve, panairove, ekspozitave,
3. Ofrimit të ndihmës dhe mbështetjes për realizimin e projekteve të përbashkëta të botimit e literaturës akademike, si dhe të promovimit dhe shpërndarjes së saj.
4. Akordimit të stimuljeve financiare përmes programit të bursave të ekselencës për të rinjtë që japin kontribute akademike dhe shkencore.
5. Ofrimit të ndihmës në bazë materiale, për të mbështetur përmirësimin e infrastrukturës dhe standarteve arsimore të fakulteteve, në bashkëpunim me Universitetin e Vlorës, sipas orientimeve e projekteve dypalëshe.
6. Ofrimit të ndihmave financiare dhe humanitare për studentët që ndodhen në vështirësi me një fokus të veçantë tek studentët jetimë.
7. Ndërmjetësimit për të krijuar ura bashkëpunimi dhe komunikimi me institucione homologe brenda dhe jashtë vendit.

“Universiteti” angazhohet të marrë përsipër:

1. Të sigurojë të gjithë aksesin e nevojshëm brenda kompetencave të tij, për të mbështetur Fondacionin në ofrimin e shërbimeve të ndryshme.
2. Të mundësojë angazhimin dhe pjesëmarrjen e stafit të UV-së në aktivitete të përbashkëta që lidhen me aktivitetin e Fondacionit.
3. Të mundësojë mbështetjen e të gjithë instancave që varen prej tij, në lidhje me përmbushjen e nevojave për individët përfitues.
4. Të kryejë përmes strukturave të tij koordinim dhe vlerësim transparent në lidhje me shërbimet që do të ofrojë Fondacioni.
5. Të shkëmbejë informacione me Fondacionin në lidhje vetëm me veprimtaritë e përbashkëta që do të kryhen.

❖ Për implementimin e kësaj marrëveshje, palët nuk kanë detyrime financiare.

Neni 6
Parimet e bashkëpunimit

1. Të dyja palët do të udhëhiqen nga interesi më i mirë i grupeve target me të cilat punojnë dhe do të angazhohen për të lehtësuar aksesin e këtyre grupeve pranë shërbimeve përkatëse si dhe për të hartuar dhe zbatuar programe dhe nisma të përbashkëta në fushën e ndërgjegjësimit, edukimit dhe promovimit të shëndetit publik, me theks të veçantë në çështjet që prekin shëndetin e gruas dhe të moshuarve në nevojë.
2. Çdo palë do të caktojë një person kontakti përgjegjës për koordinimin dhe zbatimin e marrëveshjes.

Neni 7
Kufizimet e marrëveshjes

1. Të dyja palët bien dakort që realizimi i veprimtarive me interes të përbashkët të kryhet në varësi të përparësive, planifikimit paraprak, burimeve dhe potencialit të disponueshëm nga secila palë.
2. Për çdo veprimtari tjetër, që përputhet me frymën e kësaj marrëveshje, palët kanë të drejtë të bien dakort, mbi mënyrën e realizimit të bashkëpunimit
3. Palët bien dakort që të ruajnë dhe respektojnë integritetin reciprok.

Neni 8
Ndryshimi, zgjidhja e Marrëveshjes

1. Ndryshimet dhe shtesat e mundëshme të kësaj marrëveshjeje do të formulohen dhe parashtrihen me shkrim dhe do të jenë pjesë e një aneksi të marrëveshjes.
2. Kjo marrëveshje mund të zgjidhet me mirëkuptim nga secila palë, duke paraqitur 6(gjashtë) muaj përpara një kërkesë me shkrim.

Neni 9
Afati i marrëveshjes

1. Kjo marrëveshje do të lidhet për një kohëzgjatje 2(dy) vjet nga data e nënshkrimit
2. Pas përfundimit të datës së përcaktuar në paragrafin e mësipërm, kjo marrëveshje mund të zgjatet bazuar në një marrëveshje të përbashkët me shkrim.

Neni 10
Nënshkrimi dhe hyrja në fuqi

1. Kjo Marrëveshje hyn në fuqi ditën e nënshkrimit të saj.
2. Kjo marrëveshje është hartuar në 2(dy) kopje origjinale në gjuhën Shqipe, 1(një) kopje do të depozitohen në Rektoratin e Universitetit Vlorë dhe 1(një) kopje do të depozitohet në Fondacioni "Alternativa e së Ardhmes" ALSAR.

PËR
UNIVERSITETIN
"ISMAIL QEMALI"
VLORE

REKTOR
PROF. DR. AURELA SALIAJ



PËR
FONDACIONI
"ALTERNATIVA E SË ARDHMES"
ALSAR

KRYETARI
MEHDI GURR

